

駢語雕龍
二



聯珠集

二

駢語雕龍卷之二

吏部尙書

韓康伯掌銓衡。遂進處默之大孝。

鄭緝孝子傳曰。吳隱之字處默。有孝行。遭母喪。時與太常韓康伯鄰。每哭。康伯母輒流淚。語康伯曰。汝後若居銓衡。當用此輩。及康伯爲吏部尙書。乃進用之。遂歷清要。白氏六帖曰。吏

部曰藻鏡銓衡。

高季輔居選部。不責思謙之微瑕。

唐書曰。韋思謙爲應城令。坐公事。舊制。多未敘進。吏部尙書高季輔曰。自居選部。始得此人。豈以小疵而棄大德。遂擢監察御史。由是知名。後漢百官志註曰。靈帝改吏

部爲選部。

徐勉藻鑑之公。止談風月。

梁書曰。徐勉爲吏部尙書。嘗與門人夜集客。有虞曇求詹事。勉正色答曰。今夕止可談風月。不宜及公事。時人服其無私。杜詩曰。持衡留藻鑑。聽履上星辰。

范雲書牘之

照。敏若神明。

職官分紀曰。梁范雲爲吏部尙書。書牘盈案。賓客滿門。應答如流。無所壅滯。官曹文墨。發摘若神明。時人服其明瞻。

紙帽顯褚炫之清。

南史曰。褚炫爲吏部尙書。居身清正。常捧一黃紙帽。風吹紙剝。殆盡。

柴

車感毛玠之儉。

魏志曰。毛玠雅亮公正。在官清恪。其典選舉。拔眞實。退斥華僞。常乘柴車。吏潔於上。俗移於下。民至今稱之。

題目條陳於李肅。

南史曰。李肅善論。臧否得中。甄奇錄異。薦述後進。題目品藻。曲有條貫。以

此人服之。撰爲選部尙書。舉選號爲得才。

啓事甄拔於山公。

晉書曰。山濤爲吏部尙書。每一官缺。輒啓擬數人。濤所奏甄拔人物。各爲題目。時稱山公啓事。

才華清通。豫識總角之吏部。

世說新語

曰鍾會見王戎裴楷總角曰裴楷清通王戎簡要後二十年此二賢當爲吏部尚書禮記註曰總角者收髮結之也遊處不雜見稱白頭之尚書梁書曰袁昂雅有人鑒遊處不雜爲吏部尚書帝謂曰齊明帝用卿爲黑頭尚

書我用卿爲郭祚下筆而徘徊後魏書曰郭祚爲吏部尚書持身潔清重惜官位至於銓授假令得人必徘徊久之然後下筆元順搖扇而慷慨後魏書曰元順爲吏部尚書時高陽王雍欲以朱暉

爲廷尉托順順搖白羽扇徐謂雍曰高祖遷宅中土叛定九流官方清濁軌儀萬古而朱暉小人宜爲省吏何合爲廷尉清官殿下必如是順當依事奏聞建康實錄曰宋廢帝時蔡廓爲吏部尚書徐羨之謂

傅亮曰黃門已下悉委蔡自此以上固宜共參同異廓聞之曰我不能爲徐羨之署紙尾也遂辭不拜光廷惟隨閤子於筆端唐書曰裴光廷爲吏部尚書時有門下主事閤麟之爲光廷腹心專知吏部過官每麟之裁定光廷隨而

下筆時人語曰刑于寡妻毛詩曰惠于宗公神罔時怨神罔時恟刑于寡妻至于兄弟以御于家邦謝朓動容於范績之嘲南史曰初謝朓告王敬則敬則女爲朓妻常懷刀以投朓朓不敢相見及拜吏

部謙挹尤甚尚書郎范縝嘲之曰卿才人無詔違天子脩義失色於高居之詞後魏書曰元脩義爲吏部尚書唯事貨賄時高居者求上黨郡關脩義抑居不與居對衆呼天

喝賊人間居曰白日公庭安得有賊居指脩義曰此坐上者彥回却金於求官齊書曰褚彥回爲吏部尚書有一人求官袖中將一餅金示曰人無知者彥回曰自應得官無假此物若

必見與不得不相啓鄧攸辭錢以完節晉書曰鄧攸遷吏部尚書收馬於家庭妻息食素不受一錢於人孔煥不許江總之詹事陳紀曰孔煥爲吏部尚書太子叔寶欲以江總爲太

子詹事煥曰江總有陳陸之才而無園綺之實太子乃楊惛獨識漫漢之賢才三國典略曰東魏以楊惛典選嘗六十人爲一甲皆令其自敘訖不省文簿便次第呼之無有誤者

言於陳主將許之煥乃啓願選敦重之才以居輔道

後有選人魯漫漢自言猥賤獨不見識情曰卿前在元子思坊騎
秃尾草驢經見我不下以方麴障面吾何以不識卿漫漢驚服

肅淪稱五人之尙書

梁書曰謝莊子肅淪子覽覽孫溫
六代五人皆爲吏部尙書通典曰秦時少

府遣吏四人在殿中
主發書故謂之尙書

舉莊爲二世之吏部

梁書曰謝舉掌吏部舉祖莊於宋代
再典選至舉又二爲此職前代未有

盧毓立考課馳名難塞於四聰之議

魏志

曰盧毓爲吏部尙書文帝使毓自選代曰得如卿者乃可前此諸葛誕鄧鸞等馳名譽有四聰八達之謂選舉莫取有名者如畫地作餅
不可啖也毓曰名不可以得異人而可以得常士王者正以循名按常爲職但當有以驗其後今考績之法廢而以毀譽相進退故眞僞
混淆虛實相蒙帝納其言遂作考課法魏志曰諸葛誕鄧鸞
等結爲黨友更相題表以夏侯玄等爲四聰誕輩爲八達

蔡克居天曹正人早識於一字之拔

晉書曰蔡克居選官荀進之
徒望風畏懼初克未仕時山

簡常與王衍書曰蔡子克今之正人衍以書示衆曰山子以一字拔人然未易可
稱後衍聞克正選官曰山子之言驗於今矣唐六典曰吏部尙書周之天官卿也

子顯負氣於揮扇

齊書曰蕭子顯爲吏部尙書貢
才氣見凡流賓客不與交言但

舉扇一揮而
衣冠切恨之

葉顒寵異於賜茶

楊誠齋集曰宋葉顒權吏部尙書乾
道九年召對便殿賜坐賜茶禮異

擬重剛方敦復紹巨源之節介

周平園集曰宋晏敦
復爲吏部尙書上嘗

嘆曰敦復擬重剛方當公介然行總有序摘發清明事無奸滯
山濤毛玠無以過之晉書曰山濤字巨源少有器量介然不羣

衣冠禮樂楊素贊牛弘之才能

隋書曰牛弘吏部拜尙書時獻
皇后崩王公以下不能定其議

楊素謂弘曰公舊學時賢所仰今日之事決在於公弘乃不拜讓
斯須之間儀注悉備素嘆曰衣冠禮樂盡在此矣非吾所及也

吏部侍郎

風神高邁。裴楷得玉山之稱。

晉書曰：裴楷爲吏部侍郎，風神高邁，容儀俊爽，時人謂之玉山。照人，閭駟十三洲記曰：赤水西有白玉山，山有西王母堂室。

選舉公明。唐馮蒙金鏡之

賜。唐書曰：唐馮爲吏部侍郎，凡所銓綜，時稱平允。太宗賜金背鏡一，而以表其精鑒焉。

弘景守正。權貴咸憚於踵門。

唐書曰：韋弘景累遷吏侍銓綜平，介權貴憚其嚴正，不敢濶以私。

孔緯無私。書

翰不省於盈几。

唐書曰：孔緯樞要有，所私託書盈几不省。

李至遠辨令史丁士之改。

會要曰：李至遠權知吏部侍郎時，有選人姓刁，又有王元忠，並被放，乃密與令史相知，減其點畫，刁改爲丁，王改爲士，擬

授官，後卽添成文字，至遠一覽，便曰：今年銓覆萬人，總識姓名，安有丁士姓名，此必刁某也，省內以爲神明。

溫彥博慚裴略遮賢之言。

唐新書曰：溫彥博爲吏侍，有選人裴略被放，乃自贊於彥博，稱解嘲諷，彥博令嘲屏牆略曰：高

下八九尺，東西六七步，突兀當廳坐，幾許遮賢路，彥博慚而與官。

孝基知人。識房杜之國器。

隋書曰：吏部侍郎高孝基，鑒賞機悟，清謹絕倫，房玄齡杜如晦與選，孝基特加賞異，後以爲知人。唐書贊曰：唐三百年，輔弼者不爲少，獨

前稱房杜，後稱姚宋，相繼爲相，他人莫得比焉。

行儉選士。拔王蘇之雄才。

唐新語曰：裴行儉爲吏部侍郎，典選有知人之鑒，見王劇蘇味道，點頭更謂人曰：二子亦當掌銓衡之任，後劇果爲天官侍郎，味道至相位。

擬之詞。蘇生見怒於裴子。

唐書曰：蘇晉爲吏侍，裴光庭知尙書事，有過官被却就籍，以朱點頭而已。晉因榜院曰：門下點頭者，更擬光庭以爲侮，已出晉汝州刺史。

厲色含容之態。晉卿受欺

於吏胥。

唐書曰：苗晉卿知吏部，選人有訴訟索好官者，雖至數千言，或聲色甚厲者，晉卿必舍容之，胥吏多因緣爲奸，賄賂大行。

李下無蹊。知遠塞請謁之邪徑。

通典曰：李知遠知選吏，肅然敏手，號李下無蹊。

門前微棘。姜晦誇明斷之奇才。

會要曰：姜晦爲吏部侍郎，舊制吏曹舍宇悉布棘，以防令史與選人交通，晦盡除之，大開銓門，示無所禁，私引置者，晦輒知之，召問莫不首伏，初朝廷以晦改前規，咸以爲不可，竟銓衡得所。

賄賂不行。盧李允協於公平。唐書曰：盧從愿拜吏部侍郎，精心調理，大稱平允。李朝隱同時典選，時人稱曰：前有裴馬，後有盧李。裴馬無慚於輿議。唐書曰：裴行儉馬載爲吏部侍郎，同時典選，十餘年。

甚有能名。時永叔辭職進疏，聞亦擢紅燭之辭。吳永叔辭狀曰：渙若出綸，震于聞命，赤墀載筆，幾瞻言動之容。紅燭燃窗，兩被人稱爲裴馬。傳宣之寵禮記曰：天子丹墀，漢官典職曰：以丹漆地，故曰丹墀。沈括筆談曰：玉

堂東承旨閣子窗格上有火然，太宗嘗夜幸玉堂，蘇易簡爲學士，已寢。無燭具衣冠宮嬪，自窗格引燭入照之，至今不欲更以爲玉堂盛事。韋陟洩官致仕，羞青壇朱紱之判。唐書曰：韋陟嘗任吏部侍郎，有一致仕官，

敘五品陟判之曰：青壇展慶，曾不立班，朱紱承榮，無宜拜臥，時人推其強宜。易曰：朱紱方來，朱紱乃朝服也。

吏部郎中

褚翔被徵，百姓追送於出境。宋書曰：褚翔爲義興太守，徵爲吏部郎中，去部，百姓老少追送出境。彥德歸省，顯宦餞別於傾朝。晉中興書曰：何尚之字彥德，爲吏部郎中，告休定省。

傾朝。海岱清英。列子曰：渤海之東有大壑，中有山，名岱輿，劉邵人徐寧膺桓彝之薦。晉書曰：庾亮每屬桓彝，一佳吏部，彝送別。物志曰：草之精秀者爲英，人聰明秀出謂之英。曰：與縣宰徐寧海岱清士，卽遷吏部。

漢崇望。尚書曰：岷山導江，東別爲沱，岷家導漾，東流爲漢，左傳曰：江漢淮漳楚之望也。庾生動劉劭之稱。齊書曰：庾杲之司空劉劭，見而奇之，曰：是先捧紫泥。聞見後錄

曰：舊說武都紫泥，用封。裴老思征西於同日。唐書曰：裴度柳公綽俱爲判官，公綽先入爲吏部郎中，度以詩別云：兩人同日事征西，今日君先捧紫泥。列植嘉樹，顧公慮庭中。

於後時。梁書曰：顧憲之爲吏部郎中，其祖凱之，嘗爲吏部。於庭中植嘉樹，謂人曰：吾爲憲之植爾，後果然。自負才華，橋東拂專心之望。唐書曰：王尚客爲侍御史，自以才望清華，妙當入省，常望前行，忽降膳部

員外郎，徵有愧恨。張恭忠詠曰：有意嫌兵部，專心望考功。誰知脚酸腫，却落省橋東。獨持忠節，陝中擅挾印之名。唐書曰：裴諝遷考功郎中，代宗幸陝，諝從挾考功南曹印赴行在上，曰：疾風知勁草，

戶部尙書

孫平儲義倉之粟。隋書曰：長孫平爲度支尙書，見天下州縣多罹水旱，百姓不給，奏令民間每秋家出粟麥一石，儲之閭里，以備凶年，名曰義倉。杜預擅武庫之名。唐書曰：杜預爲度支尙書，號杜武庫，言無所不

有。易林曰：武庫崔子又嚴偉以立朝。唐書曰：崔從字子父，爲戶部尙書，爲人嚴偉，立朝稜稜有風望。鄭善果奉法於脩職。唐書曰：鄭善果檢校大理卿，兼李軍府甲兵所聚。

緯居民部，適速好鬚之譏。唐書曰：太宗幸翠微宮，授李緯民部尙書，房玄齡時在京城留守，會有自京師來者，太宗問曰：玄齡聞李緯拜尙書如何？對曰：但云李緯好鬚，更無他語，遂改緯潞州刺史。何胤歸雲

門，勅給白衣之祿。梁書曰：何胤爲民部尙書，後辭官，隱于若耶山雲門寺，勅給白衣尙書祿，胤固辭。八年主計，王紹膺眷待於豐隆。唐書曰：王紹進戶部尙書，眷待殊厚，主計凡八年，政事多

闕，訪紹亦未嘗一言漏於人。六曹擇賢，李嘉受訓辭於勅詰。唐授李承嘉制曰：紫極八座，非德莫居，丹屏六曹，惟賢是擇。特令早拜，景歷改午後之期。南史曰：蔡景歷拜度

支尙書，舊式拜官在午後，景歷拜日，適逢輿駕幸玄武觀，在位皆侍宴，帝恐景歷不預，特令早拜，其見重如此。評決僉同，劉溉得中丞之會。梁書曰：劉洽爲御史中丞，溉爲左民尙書，舊尙書不得入尙書下舍，洽引服親，不應

有礙刺省評決。乃許入漑省。亦以兄弟素篤。不能相別也。

李常掌邦計。貪吏少變於冰壺。

宋史曰。李常爲戶部尙書。常文士。少史幹。或疑不勝任。以問司馬光。光曰。使此人掌邦計。則天下知朝廷非急於征利。貪吏望風。拾

克之患。庶幾小息。姚元崇冰壺誠曰。冰壺者。洞澈無瑕。澄空見底。內懷冰清。外涵玉潤。玉本無瑕。冰亦至潔。喻彼廉貞。能守其節。

隱之判度支。清風每乏於氈席。

晉書曰。吳隱之爲度支尙書。以竹蓬爲屏風。坐無氈席。

王琚預參政事。尊寵於內相之稱。

唐書曰。王琚爲戶部尙書。帝於琚眷委特異。預政事。號內宰相。

韋煥辭掌民曹。自幸於版使之讓。

佳話錄曰。韋煥辭判戶部。歸謂

甥姪曰。已讓版使矣。周禮曰。司民掌登萬民之數。自生齒以上。皆書于版。

司徒

相繼盡職。爰致緇衣之褒。

毛詩曰。緇衣美武公也。父子並爲周司徒。善其職。國人宜之。故美其德。以明有功焉。

役志聚財。自忘牙籌之陋。

王隱晉書曰。王戎拜司徒。性好治生。園田周遍。

天下常以象牙籌。晝夜算計家貲。

布衣何嫌於劉寵。

謝承後漢書曰。劉寵爲司徒。臥籠布被。

章綬不動於巨源。

晉書曰。山濤字巨源。爲司徒。固辭。已勅斷章表。乃臥加章綬。濤曰。垂沒之人。豈可污官府乎。輿疾歸。

君房明察守正。無愧關內之封。

謝承後漢書曰。侯霸字君房。爲大司徒。封關內侯。在位明察守正。奉公不同。

偉伯恭約盡忠。實遵殿上之戒。

後漢書曰。馮勤字偉伯。遷

司徒。先是三公多見罪退。帝賢勤。因戒之曰。未浮上不忠於君。下陵轢同列。竟以中傷。忠臣孝子。覽照前世。以爲鑒戒。盡忠於國。事君無二。則爵賞光于當世。功名列於不朽。可不勉哉。勤愈恭約。盡忠。號稱職任。

念王室於朝會。袁安動

容。東觀漢記曰袁安爲司徒每朝會憂念王至未嘗不流涕。想成績於太常君牙纘服。

尙書曰穆王命君牙爲周大司徒王若曰嗚呼君牙惟乃祖乃父服勞王家厥有成績紀于太常今命爾予翼作股肱心膂纘乃舊服毋

忝祖考。居位失望崔烈貽銅臭之羞。

九州春秋曰靈帝時賣官廷尉崔烈入錢五百萬以買司徒烈子鈞亦有時名烈曰吾居三公議者何如曰大人少有英稱論者不謂不當爲公而今登其位天下失望烈曰何謂鈞曰

嫌其銅臭。遷秩中台蔡茂協禾穗之夢。

後漢書曰蔡茂爲司徒初在廣漢夢坐大殿極上有三穗禾挑取之得中禾復失之以問主簿郭賀賀曰殿者官府之形象也極而有禾人臣之上祿也取中禾中台之位禾失爲秩雖

曰失之乃所以得祿秩也衰職有關公其補之旬月而茂徵焉。

王渾禁絳衣於屬吏。

晉書曰王渾遷司徒仍兵渾以司徒文官主吏不持兵及吏屬絳衣自以非是舊典皆令阜服識者美其稱職。

魏舒還紫綬於

殿廷。晉書曰魏舒爲司徒年邁致仕正月法服入殿朝會罷還還奉送章綬。

戶部侍郎

省中伏獵之譏蕭晔未博於經史。

唐書曰蕭晔不知書嘗與嚴挺之稱伏獵爲伏獵挺之曰省中豈容伏獵侍郎乎乃出之玉燭寶典曰獵者祭先祖也風俗通曰獵者獵也因獵取獸而祭先祖也或曰新故交接大祭

以報功也。例外羨餘之進柳約聚斂於貨財。

周益公集曰宋柳約權戶部侍郎感激奮勵悉力盡言凡例外宣索皆執奏以進。

張平叔掌府藏羞聞老奴之稱。唐書

曰張平叔爲戶部侍郎狡險大言既有寵於上進退便僻難以優諧或自稱老奴無復大臣之體。

王彥威判度支終陷瘵官之誚。

唐書曰王彥威爲戶部侍郎判度支彥威儒學雖優亦勤吏事然貨泉之事素非所長。

元紘寵隆一副。乃得明主之褒嘉。

唐書曰：李元紘爲戶部侍郎，因條奏人間利害，及時議得失，以奏之上，上大悅，賜衣一副，絹二百匹。

孟陽年近四旬，尙貽賢母之嗟。

晉書曰：潘孟陽爲戶部侍郎，年未四十，其母謂曰：以爾之才，而位丞郎，使吾憂之。

戶版精於楊瑒之議。唐書曰：楊瑒爲戶部侍郎，上召議戶口之事，瑒因奏人間損益，帝嗟賞。

民數詳於承慶之詞。

唐書曰：太宗問盧承慶歷代戶口多少之數，承慶敘夏已後迄周隋，皆有依據。

貳卿秩拜於馳驄，表微慰蘭臺之殊寵。

唐書曰：韋表微爲中書舍人，俄拜戶部侍郎，時長慶寶曆國家比多變故，凡在翰林，例無

滿歲，由是表微自監察六七年間，秩正貳卿，備承恩渥，盛于一時，馳驄見下侍御史註。

太一重歸於別鶴，禹錫想內署之雄聲。

劉禹錫送李戶侍詩曰：昔年內署振雄聲，今日東都結去思。華昌却復文昌位，

別鶴重歸太乙池。辛氏三秦記曰：漢建章宮有太液池，池中築方丈瀛洲，象海中神仙，此云太乙，未詳。

禮部尙書

文紀陟官，神機形於鼎卦之筮。

唐書曰：李綱字文紀，初仕隋，官不進，筮之，得鼎卦，筮人曰：君當爲卿輔，待易乃如志。至唐，官終禮部尙書。易曰：鼎象也。註疏曰：革去故而鼎成新也。

宋弁多藝，兼攝

顯於祀戎之詞。

北史曰：後魏孝文征馬圈，留宋弁兼祠部尙書攝行兵事，及行，執手曰：國之大事，在祀與戎，故令卿管攝二曹。

高麗市書。

唐書曰：高麗俗愛書籍，至於衡門廡養之家，各有街衢造大屋，謂之局堂，子弟晝夜在此讀書。

習射，蘇軾爰漢事而入諫。

通略曰：宋高麗貢使，請買書籍，朝廷以故事盡許之。禮部尙書蘇軾言：漢東王求諸子太史公書，猶不許，今可與乎？詔曾經買者許依例。

功臣配饗。

尙書疏曰：古者祿功臣，配食于廟，大享烝嘗也。

豐稷引唐典以獻言。

通略曰宋豐稷爲禮部尙書。哲宗升祔。議功臣配饗。稷云當用司馬光呂公著。或謂二人得罪於哲宗。稷曰止論其有功。爾如唐五王配饗中宗。豈非得罪於中宗者哉。

薛稷恩絕羣臣。寵

遇誇宮中之召入。

唐書曰。睿宗時。薛稷爲禮部尙書。以翊贊功。每召入宮中。與決事。恩絕羣臣。

叔達報加上爵。馭貴感武德之讜言。

唐書曰。建成元。吉疾害太宗。陰行譖毀。高祖惑

其言。將有貶責。陳叔達固諫乃止。時拜禮部

尙書。勞之曰。武德聞公有直言。故以報卿。

蕭子範表曰。五星懸暉。差池紫宮。之典。百官根本。聯曹建禮之門。

韓昭仕慚一條於折

線。

北夢鎖言曰。僞蜀韓昭仕爲禮部尙書。琴棋書算射法。悉皆涉獵。李台穀曰。韓八座才藝如折襪線。無一條長。

禮臣不佞。世誦燕許之碑。

尙書曰。咨四岳。有能典朕三禮。兪曰伯夷。帝曰。俞。咨伯。汝作秩宗。唐燕許公碑曰。禮

臣不

佞。宗伯大僚。時誇李絳之制。

尙書曰。宗伯掌邦禮。治神人。和上下。唐李絳制曰。宗伯秩禮。是爲大僚。

禮部壁記。洪邁歸萬務於文昌。

洪邁壁記曰。自元豐定官制。歸天下

萬務於文昌。曹分賦職。頗採用周官唐六典云。

春官謝詞。益公重高班於曳履。

周必大謝除禮書兼翰學表曰。宗伯綴文昌之坐。已高曳履之班。翰林依華益之星。尙玷續綸之直。當聖主謹持於公器。獨愚臣常愧於私人。

周禮曰。春官掌邦禮。曳履見下履註。

禮部侍郎

瑞柳試士。呂渭見嘉於英君。

唐書曰。呂渭遷禮部侍郎。始中書省。有古柳。建中已枯死。德宗自梁還。復榮茂。人以爲瑞柳。渭試進士。取瑞柳爲題。帝聞而嘉之。

德星題堂。崔邠特褒於

明主。唐書曰：崔氏兄弟六人，邠、郾凡爲禮部五吏部，再居光德。梯牆決事。嘆知章之無才。舊唐書曰：惠文太子薨，詔禮部選里構便齋宣宗曰：邠一門孝友，可爲士族法，因題曰德星堂。

磨子弟喧訴盈廷，知章於是以麻鞋戲辭，識常袞之遠器。南部新書曰：常袞自禮部侍郎入相，時潘炎爲舍人引，麻因戲之曰：留取破麻鞋著，及袞視事，不浹旬果拜。張守受命，梯登牆首出決事，時人嗤之。

召見於政事之堂。中興繫年錄曰：宋中丞張守，除禮部侍郎，力辭不拜，上命呂頤浩召至政事堂中，諭以正人不宜輕去朝命，乃受命。魏公拜官，宣諭於巍峨之殿。朱文公集曰：張魏公復除知興

元府，已登舟，除禮部侍郎，召對便殿，上慰若宣諭曰：時將有爲，正欲一飛冲天，而無羽翼者，卿爲朕留，當專任用。唐書曰：韋殷卿，智精於裁鑑，禮部侍郎，裁鑑尤長。柳德輝志篤於好賢，

唐書曰：柳璟字德輝，爲禮部侍郎，寬信好士，遊於門者，他日皆顯於世。坐中抗聲，直節阻權臣之議。中興繫年錄曰：魯開爲禮部侍郎，先是秦檜語和議曰：此事大係安危，開於坐中抗聲曰：丞相今日不當說危，止合論存

亡爾，檜驚其言。從容宣奏，禮部重宰臣之尊。唐書曰：章純爲禮部侍郎，取士抑浮華，先行實，嘗從容奏曰：禮部侍郎重於宰相，帝曰：侍郎是宰相除，安得重？曰：然爲陛下東宰相者，得無重乎？帝美其言。

兵部尙書

史記載縉雲之名。史記曰：黃帝夏官爲縉雲。左傳紀睢鳩之職。左傳曰：睢鳩氏司馬也。南省視事。唐書曰：李輔國爲兵部尙書，南省視事，使武士戎裝夾道。西曹掌兵。崔融

議曰：伏望詔東西二曹，兩都懷遠却駿馬之求。通典曰：唐李懷遠除兵部尙書，雖久居榮位，而彌尙簡率，常乘款段馬，左僕射竇盧分簡，東爲吏部，西爲兵部。飲望曰：公榮貴如此，何不買駿馬乘之？答曰：此馬幸免驚駭，何假別求？聞者嘆美，白

孔大帖曰紫雲綠耳並駿馬驚駘款段並羸馬。唐書曰吳湊爲京兆尹以能政兼兵部尚書街樹缺所司植榆以補之。數訪時政探

王起之謀猷。唐職林曰王起爲兵部尚書文宗數訪逮時政起因對曰愿寬逐臣。坐語從容顯黃中之尊寵。朱文公撰黃端明碑曰宋黃中爲兵部尚書兼侍

從容知無不言。緝熙九法。毛詩曰夙夜基命宥密於緝遷周禮曰董正六師。俞書曰董正治官司馬威嚴著孫逖之制詞。唐孫逖撰

制曰緝熙九法董正六師俾謀猷於七兵仍啓沃於三事。上比七星。見上。連芳八座。見上。尙書令注。職業見李嶠之表疏。唐李嶠爲楊執宗讓表曰光寵載臨震

豈惟連芳入座上比七星。驪山講武。述征記曰驪山在長安東左傳曰春蒐夏苗秋獮冬狩皆於農隙以講事也。注云事武事也。新州陷軍容之愆。唐書曰元宗講武於驪山兵部尙書郭元振坐

虧失軍容將斬張說諫曰元振有功於社稷不可加刑乃流新州。青城奏章鹵簿劾亂行之罪。宋言行錄曰宋祀南郊蘇軾以兵部尙書爲鹵簿使上行禮畢特至青城忽有赭傘轎車并青蓋轎車衝突而來公呼御營巡

檢使曰西來誰何敢爾亂行曰皇后井某國夫人某公主也公卽於青城上疏劾之明日中使傳命申勅有司。嚴整伏衛五經精義曰鹵者盾也以大盾領一部之人故命爲鹵簿蔡邕獨斷曰天子出車駕次第謂之鹵簿。圻父戈動行伍列

龍虎之驅馳。續世說曰詩云圻父王之爪牙大司馬掌武備象猛獸以爪牙爲衛。玄扈樓高顧盼觀鳳凰之翔集。河圖曰黃帝坐玄扈之樓上與司馬容光觀鳳凰之至春秋合誠圖曰玄扈山在五洛縣

里。一百

兵部侍郎

三起三留。蔣仲詳北陞之對。

唐書曰：蔣仲詳爲兵部侍郎，宣宗雅信愛仲，每見，咨天下得失。仲三起三留，曰：他日不復對卿矣。仲不喻，未幾拜相云。

一父一子。崔湜謗南省之榮。

唐書

曰：崔湜爲兵部侍郎，父挹爲禮部，父子同爲南省副貳，自唐以來未有也。

請對督府之密言。徽謀思於五月。

周平園集曰：宋周葵除兵部侍郎，元顏亮斃，張公自督府來朝，密言恢復，公請對，謂不可輕舉，累數千言。上唯

唯五月敗，書聞，上思公言，以左中大夫參知政事。

托辭御札之未降。直議盡於一朝。

唐書曰：袁澳遷兵部侍郎時，有邦政大事，中使傳宣草詞，澳心欲論諫，却曰：此一事須降御札，方敢施行，遲留至旦，必論其可否。上

旨多從之。

王敏節獻納嘉猷。詳畫秦隴之勢。

北盟會編曰：宋王敏節度爲兵部侍郎，對便殿，口陳手畫，秦隴形勢利害，上大喜，即日遷兵部尚書。

衛次公不拘常格。優遇徐李

之孫。唐書曰：衛次公爲兵部侍郎，選人李勣，徐有功之孫，在點中，公召而謂曰：子之祖先勣在王府，豈限常格，並優秩而遺之。

自守端嚴。元輔繩盧奕之祖武。

唐書曰：盧元輔端靖介正，能紹其祖奕，奕知東都，武部選

事卒，贈兵部尚書。

參謀機務。弘禮紹越公之家風。

唐書曰：楊弘禮，隋尚書令素弟之子也，爲兵部侍郎，入參機務，出統衆攻戰。太宗曰：越公兒耶，故有家風矣。隋書曰：楊素封越國公。

西臺之遷。弘

武陳諷諫於天主。

唐書曰：楊弘武爲司戎少常伯，遷西臺，帝嘗謂曰：爾在戎司授官，多非其才。何耶？武曰：臣妻剛悍，此其所屬不敢違，以諷帝用后言，帝笑不罪。

北扉之闕。張燾不狗議於權臣。

中興繫年錄曰：宋兵部侍郎張燾，力詆并詔之議，秦檜患之，燾託疾在告，檜使樓炤諭之曰：北扉闕人，上欲以公爲直院，宜早出。燾大駭曰：愈不敢出矣。若使草國書，豈能曲狗意旨哉。

刑部尚書

羊侃郤僧胤之候謁。

梁書曰：羊侃爲都官尚書，宦者張僧胤候侃，曰：我床非閹人所坐，竟不前。時人美其貞正。

隱甫絕仙客之交談。

唐書曰：崔隱甫，潔介自守，以強正稱爲刑部尚書，帝欲相之，謂曰：牛

仙客可與卿嘗見否？曰：未也。帝曰：可見之。隱甫終不詣。他日，又問：對如初。帝乃不用贊曰：嚴挺之拒宰相，不肯見李林甫，崔隱甫違詔，不屈牛仙客，信剛者乎？

劉祥道覆獄歔歔。

唐書曰：劉祥道，遷司刑太常伯，每覆大獄，必歔歔累嘆，奏決之日，爲

之食。

顏真卿上書激切。

唐書曰：永泰中，元載引用私黨，請百官論事。先白長官，長官白宰相，然後奏聞。時顏真卿爲檢校刑書，乃上疏曰：天寶後，李林甫威權日盛，羣臣不先咨宰相，輒奏事，不過託以他故，中傷猶不敢明約百司，令先白宰

相。如今日之事，曠古未有。陛下不早覺悟，漸成孤立矣。其激切如此。於是中人爭寫內本布於外。

盡日決務，李適之居職無虧。

唐書曰：李適之拜刑書，夜則宴賞，晝決公務，庭無留事。

兩載息妖，徐孝

先秉正不撓。

宋史曰：徐孝先爲都官尚書，其省年久多有鬼怪，每昏夜有聲，或見人着衣冠，前向書，周確卒於此。後孝先代確，即居之，經兩載，妖變皆息。時人咸以爲真正所致。

沈重講周禮於合歡之殿。

書曰：梁元帝以沈重領江陵，遷都，官尚書。又令於合歡殿講周禮，輿地志曰：未央宮後有合歡殿。

公綽釋重獄於京兆之畿。

唐書曰：柳公綽爲刑部尚書，京兆人有姑鞭婦至死者，府斷以償死。公綽議曰：尊毀卑，非亂，且其子在，以

妻而戮其母，非教也，竟得減死。

紹蔽芾於謳歌。

毛詩曰：蔽芾甘棠，勿剪勿伐，召伯所茇。言人思召公之德，久而彌深，愛其棠，彌至也。埤雅曰：甘棠，今之杜梨也。

秋卿思唐家之詔令。

唐太詔令曰：秋卿恤刑事無阻

撓。又云：紹蔽芾於謳歌，盡側成於法理。

嚴棘木於聽察，司寇率王制之哀矜。

禮記王制曰：司寇正刑明辟，以聽獄訟。聽之於棘木之下，以獄之成告于王。張鷟曰：大舜有欽恤之言，穆王有哀矜之教云。

自

歎律書固辭於冬卿之改。

唐書曰：屈突通爲刑書，自以不習文，固辭，改工部。周禮曰：冬官掌邦事。

奏禁黥杖，慎議於大夫之刑。

宋史曰：蘇頌知審刑院時，知金州張仲宣枉法抵罪。

法官援前比貸死，杖脊黥配。公奏古者刑不上大夫，今刑爲徒隸，恐汙辱致死耳。仲宣由是得免杖黥。

刑部侍郎

丹墀議刑。

會稽典錄曰：盛吉爲廷尉，每冬至節，罪囚當斷妻執燭，吉持丹筆，夫妻相對垂泣決罪。

白雲司職。

孫逖撰授裴敦復制曰：功實簡心，賞宜超等。委之刑柄，俾踐白雲之司，錫以身章，更增金印之秩。刑部署爲白雲司。

子詔

辭賞，展根心惻怛之誠。

宋言行錄曰：張九成兼刑侍，一旦法寺以成案上大辟，公閱首未得其情，因請覆實。囚果誣服者，也。奏黜之時，法官抵爵而朝，論欲以爲賞。公辭曰：職在詳刑，而實衆以邀賞，可乎？子詔乃九成字。

劉瑒

明刑，奏大中統類之籍。

唐書曰：劉瑒爲刑侍，精於法律，選制勅可用者，議其輕重，成一家書，號大中統類，奏行之。

奏劾侮聖，宗翰斥宴會於池前。

澠水燕談曰：元祐中，駕幸凝祥池宴。

從臣伶人以先聖爲戲，刑侍孔宗翰奏。唐文宗時嘗有此戲者，詔斥去之。詔今豈宜有此，詔付伶官于理。

剖決如神，王播置條格於座右。

唐書曰：王播爲刑侍，長於史術，法寺議獻科條繁雜，播備舉格條，置之座右。凡有詳

決疾速如神，僚屬歎服。

引例貸配，豈撓執政之權。

長編曰：初刑部有規殺人獄，侍部彭汝勵引例乞加貸配，執政不以爲是，降特旨皆殺之。汝勵執不可。

進貳秋卿，堪誦致仕之誥。

王安石

石作崔嶧刑侍，致仕誥曰：具官某，比以明揚，久於煩使，引年辭位，得禮之宜。進貳秋卿，以榮居息。

守正秉憲，陳魯公平反於祥刑。

宋言行錄曰：陳魯公康伯諡文正，兼刑侍，前此有司專用權風，旨爲獄重輕，公平反之，故